

## Касб баёни (1-қисм)


# КАСБ БАЁНИ

РИЗҚ ТАЛАБ ҚИЛИШГА ЧАҚИРИЛГАН  
БИРИНЧИ КИШИ

Rизқ талаб қилиши масаласига келсак, унга биринчи чақирилган ва унинг учун тадбири кўрилган киши Одам алайҳиссаломдир, чунки аввал у жаннатга киритилганида, иблисдан огоҳлантирилди. Кейин унга жаннатда тўрт нарса берилди ва дейилди:

«Эй Одам, албатта, бу сенга ва жуфтингга душманdir. Яна у икковингизни жаннатдан чиқариб, бадбаҳт бўлиб қолмагин. Албатта, сен у ерда оч-яланғоч қолмассан. Албатта, сен у ерда ташна ҳам бўлмассан, иссиқда ҳам қолмассан»

ШАЙХ МУҲАММАД СОДИҚ МУҲАММАД ЮСУФ  
САРАҲС АҲЛИ СЎРАГАН МАСАЛАЛАР КИТОБИДАН



18:06 / 18.09.2017 3838

### Ризқ талаб қилишга чақирилган биринчи киши

Ризқ талаб қилиш масаласига келсак, унга биринчи чақирилган ва унинг учун тадбири кўрилган киши Одам алайҳиссаломдир, чунки аввал у жаннатга киритилганида, иблисдан огоҳлантирилди. Кейин унга жаннатда тўрт нарса берилди ва дейилди:

«**Эй Одам, албатта, бу сенга ва жуфтингга душманdir. Яна у икковингизни жаннатдан чиқариб, бадбаҳт бўлиб қолмагин.**  
**Албатта, сен у ерда оч-яланғоч қолмассан. Албатта, сен у ерда ташна ҳам бўлмассан, иссиқда ҳам қолмассан»**[\[1\]](#).

Унга жаннатда ушбу тўрт нарса – таом, ичимлик, кийим ва маскан берилди ва уларнинг таъминотидан озод қилинди. Унга: «**Яна у икковингизни жаннатдан чиқариб, бадбаҳт бўлиб қолмагин**», дейилди. Яъни «Мазкур тўрт нарсани топаман деб уриниб, чарчамагин».

Бунда фақатгина бадан чарчоғи кўзланган.

### Хотиннинг нафақаси эрга возиблиги

Мана шуни хотиннинг нафақаси эрга вожиблигига далил қиласиз. Нафақа юқорида зикр қилинган тўрт нарсадан иборатдир. У Зот иблисдан бўладиган адоватни, шунингдек, жаннатдан чиқарилишни икковлариға нисбат берди. Ризқ талаб қилишдаги мashaқатни эса Одам алайҳиссаломга нисбат берди.

Машақатнинг ёлғиз Одам алайҳиссаломга нисбат берилиши нафақа эрга вожиблигига далолат қиласи. Сўнг Китоб (Қуръон) ҳам ушбу умматнинг шариатида нафақа эрларга вожиб эканини таъкидлади.

### **Ким роббига итоатлироқ бўлса, ризқи осонроқ бўлади**

Жаннатдан чиқарилгач, Одам мазкур мashaқатга мубтало бўлди. Унинг зурриёти ҳам ҳаёт давомида ўша нарса сабабли мashaқат чекадиган бўлди.

Одам алайҳиссаломнинг зурриётидан қай бир киши ўз Робби азза ва жаллага итоатлироқ ва бўйсунувчироқ бўлса, ризқ таъминоти унинг учун осон бўлади. Зотан, Одам алайҳиссалом ҳам ризқ талаб қилишга тоатни тарк қилганидан кейингина мубтало бўлди.

**Шайх Муҳаммад Содиқ Муҳаммад Юсуф**

(Сарахс аҳли сўраган масалалар китобидан)

---

[1] Тоҳо сураси, 117–119-оятлар.